

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Այս տարվա մարտի 20-ին կայացավ ՀՍՍՀ գիտությունների ակադեմիայի տարեկան ընդհանուր ժողովը:

Իսկ առաջին ժողովը, ՀՍՍՀ ԳԱ պրեզիդենտ, ակադեմիկոս Վ. Հ. Համբարձումյանն ասաց, որ Հայաստանի գիտությունների ակադեմիայի ամբողջ գործունեությունը հաշվետու տարում ընթացել է Վլադիմիր Իլյիչ Լենինի ծննդյան 100-ամյակը և Հայաստանում սովետական իշխանության հաստատման 50-ամյակը գիտական նոր նվաճումներով դիմավորելու նշանաբանով: Հայ գիտնականների նվաճումները համընդհանուր ճանաչման են արժանացել: 1969 թ. հոկտեմբեր ամսին Մոսկվայում անցկացված Հայաստանի գիտության լենինյան օրերը ոչ միայն հանրապետության գիտնականների ստուգատես էին, այլև յուրահատուկ հաշվետվություն հայ գիտնականների աշխատանքների մասին:

Հայաստանի գիտնականների աշխատանքը ըստ արժանավույն լինահատվել է կառավարության կողմից: Գեոֆիզիկական գիտության զարգացման և բարձրորակ գիտական կադրերի պատրաստման համար ՀՍՍՀ ԳԱ գեոֆիզիկայի և ինժեներային սեյսմոլոգիայի ինստիտուտը պարգևատրվեց Աշխատանքային կարմիր դրոշի շքանշանով: Սովետական գիտության զարգացման գործին մատուցած մեծ ծառայությունների համար ՀՍՍՀ ԳԱ հանգուցյալ ակադեմիկոս Ա. Լ. Մնջոյանին շնորհվեց սոցիալիստական աշխատանքի հերոսի կոչում: Կառավարական պարգևների են արժանացել հայ գիտնականներից շատերը:

Հայկական ՍՍՀ գիտությունների ակադեմիայի 1969 թ. գիտական գործունեության հիմնական արդյունքների մասին զեկուցեց հանդես եկավ ՀՍՍՀ ԳԱ ակադեմիկոս-քարտուղար Գ. Ս. Դավթյանը:

Հաշվետու ժամանակաշրջանում ակադեմիայի գիտահետազոտական հիմնարկները լուրջ նվաճումների են հասել գիտության տարբեր բնագավառներում: Ընդլայնվել է ակադեմիայի գիտահետազոտական ինստիտուտների ցանցը: Հաշվետու տարում ակադեմիայի համակարգն անցավ ընդհանուր և անօրգանական քիմիայի ինստիտուտը, փիլիսոփայության և իրավունքի սեկտորի բազայի վրա ստեղծվեց համանուն ինստիտուտ:

Հաշվետու տարում Լենինի շքանշանակիր Բյուրականի աստղագիտարանի գիտական աշխատողները հայտնաբերել են մեծ քանակությամբ զալակտիկաներ, որոնց մանրակրկիտ հետազոտությունները կարևոր գիտական ար-

դյունքների բերեցին. աստղագիտարանի գիտաշխատողները Հունգարիայի, Մեքսիկայի և Իտալիայի աստղագետների հետ միասին հայտնագործել են բազմաթիվ բոնկվոզ աստղեր:

Հայ գիտնականները զգալի նվաճումների են հասել մաթեմատիկայի, մեխանիկայի, ռադիոֆիզիկայի և էլեկտրոնիկայի բնագավառներում:

Հայ քիմիկոսները ակնառու հաջողություններ ունեն: Շարունակվել են նուրբ օրգանական քիմիայի ինստիտուտի շրջադեպի շրջանների՝ հակաբիոտիկ նալեցինի, հակառիթմիկ միջոց դիլամիդի, արպեֆինիլի և ինդոլինի կլինիկական փորձարկումները: Ինստիտուտում շարունակվել են նոր պրեպարատների հայտնաբերումն ու փորձարկումները: Նախատեսված 1 դեղամիջոցները արտադրել Հայաստանում կառուցվելիք դեղագործական նոր գործարանում:

Բիոքիմիայի ինստիտուտի գիտնականները կարևոր արդյունքներ են ստացել զլխուղեղում ցածր մոլեկուլյար միացությունների դերի մասին:

Երկրաբանական գիտությունների ինստիտուտը շարունակում էր ուսումնասիրությունները «Երկրի կառուցվածքը և զարգացումը» պրոբլեմի շրջանում: Կազմվել է Հայկական ՍՍՀ երկրաբանական նոր քարտեզ: Հաշվետու տարում ինստիտուտի կողմից առաջին անգամ ուսումնասիրվել և նկարագրվել են հրաբխային նոր կենտրոններ:

Գեոֆիզիկայի և ինժեներային սեյսմոլոգիայի ինստիտուտում որոնվում էին երկրաշարժերի կանխագուշակման մեթոդներ, ուսումնասիրվում երկրաշարժերի ֆիզիկական և սեյսմիկ վտանգի շրջանացումը:

Գիտական կարևոր նշանակություն ունեցող հաջողություններ կան կենսաբանական գիտությունների բնագավառում: Շարունակվել են Հայաստանի բուսական և կենդանական աշխարհի ուսումնասիրությունները, որի հետևանքով հայտնաբերվել են նոր ենթատեսակներ: Ագրոքիմիական պրոբլեմների և հիդրոպոնիկայի ինստիտուտում կուտակվել են անհրաժեշտ կարևոր տվյալներ՝ սննդատարրների հաշվեկշռի հաշվարկումների համար: Սևանի հիդրոէլեկտրակայանում կատարվող գիտական աշխատանքների հետևանքով ցույց է տրվել, որ զգալի փոփոխություններ են կատարվում լճում ընթացող կենսաբանական պրոցեսների մեջ:

Հասարակական գիտությունների բնագավառում շարունակվել են աշխատանքները հայ ժողովրդի պատմության, լեզվի, զրականության,

հնագիտության, արվեստի, փիլիսոփայության և իրավունքի, տնտեսագիտության և արևելագիտության բնագավառներում:

Ակադեմիայի ինստիտուտները հաշվետու տարում հրատարակել են բազմաթիվ աշխատություններ, ինչպես նաև հայ դասական մի շարք գրողների երկերը: Հովհաննես Թումանյանի ծննդյան 100-ամյակի առթիվ հրատարակվել են մի քանի աշխատություններ: Կոմիտասի 100-ամյա հոբելյանի կապակցությամբ հայերեն և ռուսերեն լեզուներով հրատարակվել են մի քանի մենագրություններ:

Հաշվետու տարում զգալիորեն ընդլայնվել են Հայկական ՍՍՀ ԳԱ միջազգային կապերը: Տեղի է ունեցել 73 արտասահմանյան գործուղում (1968 թ. 42 գործուղման դիմաց), ակադեմիայի գիտնականները եղել են ԱՄՆ-ում, Անգլիայում, Ֆրանսիայում, Ժապոնիայում, Իտալիայում, Շվեյցարիայում, Իսպանիայում, Հոլանդիայում, Հունգարիայում, Լեհաստանում ԳԴՀ-ում, Բուլղարիայում: Նրանք ակտիվորեն մասնակցել են միջազգային բազմաթիվ գիտաժողովների աշխատանքներին, ելույթ ունեցել իրենց Նետագոտությունների արդյունքներին նվիրված զեկուցումներով, արժանավայել ներկայացնելով սովետական գիտությունը և պրոպագանդելով նրա նվաճումները: Գիտական կապերի զօծով ակադեմիայի գործունեությունում հատուկ տեղ են զբաղում Հունգարիայի գիտությունների ակադեմիայի Նետ անմիջական գիտական լամագործակցության հարցերը:

Հաշվետու տարում հանրապետության ակադեմիայի գիտական հիմնարկներն են այցելել աշխարհի 19 երկրների շուրջ 130 գիտնականներ: Մեծ թվով արտասահմանյան գիտնական-

ների մասնակցությամբ հանրապետությունում հաջողությամբ իրագործվել են այնպիսի կարևոր միջազգային դիտական միջոցառումներ. հնպիսիք են գիտական միությունների միջազգային խորհրդի ղործկոմի նստաշրջանը, ֆրանս-սովետական պատմաբանների IV կոնֆերանսը, բարձր էներգիաների արագացուցիչներին նվիրված գիտաժողովը և այլն:

ՀՍՍՀ ԳԱ 1969 թ. գիտական գործունեությանը նվիրված տարեկան ընդհանուր ժողովին նախորդեցին ակադեմիայի բաժանմունքների նիստերը, որտեղ քննարկվեցին բաժանմունքների մեջ մտնող ինստիտուտների 1969 թ. գիտական գործունեության հիմնական արդյունքները:

Մարտի 24-ին Հայկական ՍՍՀ գիտությունների ակադեմիայի մեծ դահլիճում կայացավ գիտությունների ակադեմիայի ընդհանուր ժողովը՝ նվիրված Վլադիմիր Իլյիչ Լենինի ծննդյան 100-ամյակին:

Ճառով հանդես եկավ Հայաստանի կոմկուսի Կենտկոմի առաջին քարտուղար Ա. Ն. Քոչինյանը, որը հանրապետության գիտնականներին, գիտության ասպարեզի բոլոր աշխատողներին հաղորդեց Հայաստանի կոմկուսի Կենտկոմի, Հայկական ՍՍՀ Գերագույն սովետի նախագահության և Մինիստրների սովետի ջերմ ողջույնը և ցանկացավ նորանոր հաջողություններ սովետական առաջավոր գիտության ծաղկման և բարգավաճման բնագավառում:

«Վ. Ի. Լենինը և բնագիտությունը» զեկուցումով հանդես եկավ Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Հ. Համբարձումյանը:

Ա. ԹԱՐՍԵՂՅԱՆ: